



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

3. Mundus-Mare aquis fallacibus & salsis plenum

[urn:nbn:de:hbz:466:1-46065](#)

ARTICULUS III.

MUNDUS - MARE

Aquis fallacibus & falsis plenum.

PONENDUM, ut in confessio apud omnes, Christianè, secundum pietatem, ex arcanâ Sapientiâ philosophantes, Mundum hunc esse, velut Mare quoddam, id est, congregationem aquarum, ut Mare descripsit Deus, Genesis 1. Id declaremus, missis subtilitatibus, ex communibus quibusdam proprietatibus, quæ Mundo æquè ac Mari conueniunt. Imprimis, habet omnis aqua, quod per eam videntibus, maiora & pulchriora, quæ oculis obijciuntur appareant: litteræ quamvis minutæ & obscuræ per vitream pilam aquâ plenam, ut majores, clarioresque cernuntur: poma formosiora, quâm sint videntur, si innatant vitro: sidera ampliora per nubem aspicienti apparent: quia acies nostra in humido labitur, nec apprehendere quod vult, fideliter potest. Id manifestum fiet, si poculum impleueris aquâ, & in illud conjecteris annulum; nam, cum in fundo jaceat annulus, facies in summo aquæ redditur. Denique, quicquid videatur per aqueum humorem longè amplius vero est. Hinc maior redditur Solis imago, quæ in nube humida visitur: tum quia in nube illa est aliquid vitro speculari simile, quod potest perlucere, tum quia est aliquid & aquæ, quod fallaciam caussat.

Eadem est fallacissimi Mundi proprietas. Videntur in illo majora omnia, quâm revera sint: honores, divitiæ, voluptates, & horum appendices, quæ tanto ambitu

Rr 3 quæ-

quæruntur. Ut magna habentur, occupare primum locum in subselliis, conviviis, congressibus, dominatio in foro, triumphare in curia, proximum esse Principi, aligare gladium lateri, audiri, audire, monstrari dito, & dicier: hic est ille Doctorum alpha, diuitum beta, Consiliariorum coryphaeus. O ignare rerum mundanarum! nescis, nihil te in aquâ cernere, quod non fallat oculum ludibrio: nihil aliud aquam, quam magni corporis umbram mentiri. Non est in aquâ, quantum & quale ostenditur: decipit illa aciem, & mendacio blanditur. Simulacra illâ sunt, & inanis verorum corporum imitatione. Frustra tibi blandiris, dum te in littore vides: tuo te metire funiculo. Obliquat aqua faciem insipientium, & in infinitum rem objectam auget, ut humanum habitum excedat, modumque nostrorum corporum. Hoc cum cæteris aquis commune habet Mare.

ISTUD magis peculiare, quod eius aquæ sunt falsæ, propter halitus, qui in terræ finibus inclusi, egressum moliuntur, & ascendent per aquas, amarore illas inficiunt. Nihil magis proprium est Mundo, cuius aquæ non modo sunt falsæ, sed ipsa salsugo: in quo nihil dulce, quod non amaritie mixtum: in ipsa dulcedinis mundanae medulla hæret insita acerbitas, & quidem tanta ac talis, ut nisi Sapientissimus Artifex Deus actionibus quibusdam quæ à mundanis appetuntur, & juuenibus speciosæ supervèrbe videtur, quia experientiâ carent, condimenti aliquid addidisset, nemo reperiretur, qui iis exercendis operam impenderet, aut non statim fastidiret.

MUNDUS est MARE, Adolescentes, in quo sunt pisces, alii quidem magni, balenæ, dracones, cete, delphini, alii vero exiles, gobii, cuculi, echeneides; sunt etiam mediocres, murænæ, loligines, mulli. Sed unâ omnes aquâ salsuginis natant, falso humore pascuntur, & saginantur.

GLUTINUM ARCHITECTONICUS. 741

nantur. Existimatis forrasse pusillos solum falsa perfunderratis. Convenite Principes, Reges, Imperatores, convenire omnes, quibus omnia ad votum, & supra votum accidunt: quos juvat purpurâ vestiri, auro tegi, cothurnatos incedere, servorum turbâ stipari, terras transferre, maria includere, flumina præcipitare, nemora suspendere, acervis auri argentiq; incubare, provinciarum nominibus agros colere, terrarum orbem unico diademate contegere. Convenite hos, dico, & interrogate: dicent, si liberè respondere velint, se sub aquis esse amaris falsisque, lôgè amarioribus profecto aquis Mara, & fontibus Iericho. Quod si veritatem fateri detrectet, inclamabit pro ipsis, & contra ipsos Spiritus veritatis, cuius illa sunt ad hanc rem planè aurea, per Patientem tanquam per Oraculum pronunciata: Ecce Gigantes gerunt sub aquis, & qui habitant cum iis. Ubi per Gigantes sensu litterali, intelliguntur monstrosa magnitudinis pisces; sensu mystico, qui Gregorio Papæ placuit, Mundi hujus magnates, potentes, superbi; qui quo magis aliorum omnium, Ut pusilorum statum, conditionemque superant, eo profundius in saltri maris undis mersi, & iis obruti, graviore curarum multiplicium mole onerantur: ideo gemut, ut parturientes, & sub aquis ululant. Apparatur quidem illis mille condituris, quibus aviditas excitatur, ad gulam irritandam patina, ut dulcissima videatur, sed nunquam deest qui amaras in illa colocynthitas abscondat, ut exclamare cogantur. Mors in olla, mors in olla. Lib. 4. Reg. 4. Primus illis bolus saccharo suauior videtur, sed vix ad imum palati descendit, & sentiunt amaricari interiora sapore amarissimo. Dulces erant Amano Estheris Reginæ epulæ: at, caue Aman: coquit tibi colocynthidas avunculus Mardochæus, aut potius per hunc Deus. Gustabis dum æmulū adorare cogeris,

Rr 4

& di-

& dices: te mori potius velle, quam sic vivere: dulciorē
esse mortis amarorem, amarissima vitæ dulcedine. Flu-
cialis aqua dulcis est, sed in eâ non nisi pusilli nascantur
pisces: maiores si ingrediantur, nō immorantur, nisi capi-
velint, vel immori, sed semper ad terminum harum dul-
cium undarum, id est; salsissimas properant.

ARTICULUS IV.

MUNDUS - MARE

Turbidum, tumultuosum, infidum, naufragium.

Sit indubitatum, Mundum non Mare solūm esse, sed
Mare fœdis omnium Satyricorum epithetis infame,
procellis ac atrocissimis tempestatibus semper obno-
xiūm. In quo, ut cantat Psalm. c. III. purpuratus Psalmi-
sta, *ascendunt montes, & descendunt campi:* id est, ventorum
vi attolluntur undæ & fluctus in montium altitudinem,
deinde, sternuntur velut in camporum planitiem, &
placidissima æquora. Non desunt in hoc Mari æstus per-
petui, quibus, sive certis horis intumescit, sive detumescit
aliis, semper tamen reciproco cursu & recursu, turbati-
nis instar, concutitur. Spirant continuò in hoc Mari im-
petuosi flatus ecnephia procellarum genitores, submer-
sionis certissimi indices: dominantur quotidie in gyrum
contorti typhones, infallibilis navigantium pernicies, &
interitus, qui non vela tantum, sed ipsa etiam navigia
contorta frangunt, & ubi luserunt, sorbent. Pervagan-
tur semper in hoc archipelago concitatissimi præsteres,
qui proxima quæque non prosternunt solūm, sed ambu-
runt quoque; & ipsum hoc Mare concepto igne cupidi-
tatum ad bullientis aquæ naturam redigunt. Maius hic
pericu-

GI
pericu
tis las
tam et

Inse
Erip
Vec
Inta
Pra
Cùm i
tur pre
fis agit
rit, pre
& ven

EX
in
que in
esse, si
fuit in
adhæs
Rupe
Hoc
divini